

STAM. *Filamenta* octo vel novem, limbo ad basin laciniarum corollæ inserta, subulata, limbo dimidio breviora. *Anthere* lineares, erectæ.

PIST. *Germen* in fundo calycis, oblongum, crassum Corollæ tubo adnato fere totum obtectum, apice hæmiphærico solum conspicuum. *Stylus* erectus, staminum longitudine, filiformis, apice bifidus. *Stigmata* duo, crassa, lunulata, conniventia: cornubus obtusis.

PER. *Capsula* oblonga, crassa, calycis jam conniventis longitudine, sulco duplici profundiori opposito sulcata: receptaculo seminali ad valvulas prope sulcos (ni fallor, nam Capsula adhuc subsucculenta, non matura erat).

SEM. plurima, oblonga, minutissima.

Ad ordinem naturalem §2. ROTACEORUM, certe pertinet.

In partibus floris, nescio an numerus nonarius vel octonarius sit magis naturalis, plures flores vidi numero nonario in eadem planta, sed in tanta paucitate plantarum definire non audeo.

Transmitto in epistola, binas, quas habeo, plantas. Lacinie limbi dum claudatur, externe latere dextro imbricantur, hinc intorsio dextrorsum h. e. contra solem, ut *Gentiana* ante explicationem floris *Philos. bot.* p. 104.

BUPLEURUM.

21. BUPLEURUM *fruticescens* caule fruticoso, foliis linearibus, involucri duplici pentaphyllo.

Bupleurum arborefcens hispanicum, gramineo folio. *Tournef. inst.* 310.

Bupleurum fruticans angustifolium hispanicum. *Barr. ic.*

Habitat in montibus & collibus altis ad Aranjuez copiose, inter Quercum humilem Ilicem & Lycium angustifolium.

Radix fruticosa.

Caulis fruticosus, 1-2-vel 3 pedalis, varie & copiose ramosus, lignosus, teres, glabriusculus. *Rami* erecti, alterni, superius annui, spithamali-pedales, teretes, glabri, leviter flexuosi, juncei.

Folia